

Eyi dy'Efile-Mukulu



Eyi dy'Efile-Mukulu

« Eyi dyobe dii bu elampi adimunika ku ngao yande, na bu etata adintoshesha mwishinda dyande. Kufumbulwa kwa mayi obe akupaana etaata na kupa binangu kwi baba beyishe » (Lono, 119 :105, 130).

Efile-Mukulu, Mupangi etu, mwitupe Eyi dyaye pa mwanda wa kwitulesha Eshinda dya Kipandjilo na kipaso kyatudi balombeene kutabuka bwa kumusangasha. Eyi di'Efile-Mukulu dilombene kukankamika mashimba etu mu bipindji bibukopo. « Mwanda bintu byoso bibafundjilwe kwibedi bibafundjilwe pa mwanda wa kwitulambukisha, mwanda wa'shi, pa lwishinko na pa busambi bwa bifundwe, tupete lukulupilo » (Looma 15 :4).

Bifundwe byoso mbiyokyelwe n'Efile-Mukulu

« Bifundwe byoso mbiyokyelwe n'Efile-Mukulu na mbipwandjikiile kulambukisha, bwa kukookyesha, bwa kulumbuula bilubilo, bwa kuyiyisha mu kululama, bwashi muntu Efile-Mukulu ekale mulombane na mupwidikye pa mwanda wa mufubo osoo wi buwa »

(2 Timote 3 :16, 17)

Bafundji boso ba bifundwe abadi bayokyelwe na Kikudi-E-Selele pababadi abafundu ino mikanda ya tudi nayo ku maboko etu lelo, mu mukanda umune w'Esambi. Mutumibwa Mpyele afundu bino'shi : « badilayi kuwuuka bino'shi butemuki su mbumune bwa bifundwe tabwipatuula bunabene nya. Mwanda kashaa butemuki tabwafikile muyile kikyebe ki'Eshimba dya muntu, anka bantu be selele b'Efile-Mukulu babakwile, bakunkushibwe na Kikudi-E-Selele »

(2 Mpyele 1 :20,21).

Tatwina lukalo na kingi Kileseso sunga lungi lulambukisho lupya. Mutumibwa Yoano afundu bino'shi : « byabya bibanupushishe kubanga ku kibangilo bishadidiile mwanudi : su byabya bibanupushishe ku kibangilo mbishadidiile mwanudi anwe namu anukashadidila mwi mwana na mwi Yaya. Na uno ni mulayilo ubetulayile, muwa wayikalayika »

(1 Yoano 2 :24,25).

Bangilo a mukandu wi buwa

« Kutala nenu'ukisha bakwetu, mukandu wibuwa unanenu lungwile, wawa ubanutambwile, na ngimwanudi, ngi ubenupashiishe, peekale'shi anuningiila mu eyi dinenu lungwile, su ta mbyabya kukumiina kwenu kubadya kwikala bisumanga . Mwanda, nenu'ukisha kumpala kwa bintu byoso kyakya kinatambwile namu, eshi Kilisto bafwile pamwanda wa milwisho yeetu, muyile bifundwe, na bashikilwe, na basangukile mwifuku dya kasatu, muyile bifundwe ; na bamwenekyele kwi Kefase, kunyima kwi ekumi na babidi. Dingi bamwenekyele kwi bakwetu bakile nkama yitano musuusa umune, bangi ba munkatshi mwabo [bakii na muwa] mpaa na binobino, anka bangi mbalaale tulo. Dingi bamwenekyele kwi Shake, akupu kwi batumibwe booso »

(1 Bena Kolente 15 :1- 7).

« Mwanda takwi muntu a kutuula kingi kibangilo kushii kyakya kibatuudilwe, kyakya kikale Yesu Kilisto. Na takwi kipandjilo mu ungi muntu ; mwanda namu takwi dingi eshina muushi mw'ewulu, dipeebwe munkatshi mwa bantu, byatudya kwikala bapashiibwe kwatudi »

(1 Bena Kolente 3 :11; Mikitshino 4 :12).

« Mwanda takwi kwilekena munkatshi mwa bena Yunda na bena Ngidiki, mwanda aye Ngi Fumu umune bwa booso ni mpeta kwi booso abamwitanyina ; mwanda ooso akayitanyina eshina dya Mwanana akapashiibwa »

(Looma 10 :12,13).

Muntu oso akumina Yesu bu Mupashi, na Fumu ena muwa wayikalayika ; na kya buntu kya Kikudi-E-Selele

Mutumibwa Mpolo afundjila bena Kilisto be ku Efeso'shi : « Mwadi'ye anwe namu [nwibakulupile], pa kupusha eyi di'eyendo, mukandu wibuwa wa kipandjilo kyenu ; pakwiwukumina namu, nubeelelwe kitampi kya Kikudi-E-Selele kibalayilwe, mwikale kyee kya bupyani bwetu, bwa kukuudiibwa kupwe kutambulwa, mu kutumbisha kwa ntumbo yaye »

(Bena Efeso 1 :13,14).

Kya buntu kya Kikudi-E-Selele kii pebwe kwi muntu oso bakumiina mwi Yesu bu Mupaashi na Fumu bwa bupyani bwi mwiwulu. Fumu Yesu amba'shi : « Fikayi kwandji anwe booso bakookye na basha

mashito, n'ami, nankenupa kwikisha. Oso mupeebwe kwi Yaya akafiki kwandji ; na yawa oso afiki kwandji ntankamupele nya »

(Mateo 11 :28; Yoano 6 :37).

Eyi di'Efile-Mukulu aditulama ku milwisho

« Nkipaso kini kilombeene songwalume ekale na mwikeelo ulumbulukye mwishinda dyaye ? anka mu kulonda eyi dyobe. Na kunkimbi n'Eshimba dyande dyoso : todekanga ami kushimina kula na miya yobe ! nantuluu Eyid dyobe mwi'Eshimba dyande, byansha kukulwishiisha »

(Lono 119 :9, 11).

« Su atwakula'shi tatwina bubi, atulubu atwe banabeene n'eyendo tadimunda mwetu. Su atusokola milwisho yetu, aye mululame na ena kishima mwanda wa kwitulekyela milwisho yeetu na kwitusuula ku bubi booso »

(1 Yoano 1 :8,9).

Bi buwa kubadika sunga kupusha kubadika ky'Eyi di'Efile-Mukulu
Twina lukalo n'eyi di'Efile-Mukulu efuku dyoso bu kidibwa kyetu kya mu Kikudi.

Esambi adyakula shi : Anka'ye balulwile'shi, mbifundwe'shi : « Muntu taneekale na muwa ku penda mukate, anka kwi'yi dyoso adituuku kukanwa kw'Efile-Mukulu »

(Mateo 4 :4).

« Byabya lukumiino alufikaa mu kupusha, kupusha namu kw'eyi di'Efile-Mukulu. Anka kulaayi mu buntu na mu kyukilo kya Fumwetu na Mupaashi Yesu Kilisto. Ntumbo kwadi, na binobino na ku'efuku dya ikalaika ! Amen »

(Looma 10 :17; 2 Mpyele 3 :18).

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com
<http://www.33eme-cers.org/>